

Indarkeriarekin bakearen alde

ALEMANIAKO BERDEEN KONGRESUA. Asteburuan egindako bileran jatorrizko programa aldatu du alderdiak, eta udazkenean izango diren hauteskundeetarako prestatzen hasi da



PEER GRIMM / EPA

Joschka Fischer, Berdeen burua. Haren ustez, errealitate berriak eragin du politika aldaketa.

Martin Beck | BERLIN

Alemania Berdeen euren oinarritzko programa errotik aldatzea erabaki zuten asteburuan egindako alderdi egunean. Bileran ez zen gaitzetsi, lehenengo aldiz, indarkeria baliabide politiko gisa onartzea, eta aukera onetsi egin zen programa berria.

Berdeek gehiengo zabalarekin onetsi zuten programa berria. Bildutako guztiek 1.000 aldaketa proposamen aztertu behar izan zituzten, eta horrekin aldaketa historikoa ebatzi zuen alderdiak atzerri eta segurtasun politikaren arloetan.

Alemania Armada atzerrian jarduteko proposamenari baiezkoa eman zion, eta horretarako adostasun zabala izateko eskatu zuten: legebiltzarkideen bi herenek azaldu beharko zuten alde *Bundeswehr*-ko sol-

daduak atzerrira bidaltzeko. Orain arte gehiengo sinplea nahikoa da horretarako Legebiltzarrean.

Alemania NATOren barruan ondo kokatu eta AEB Ameriketako Estatu Batuek Europan «parte-hartze iraunkorra» izatearen alde egin zuten Berdeen. Hala ere, orain arte bezala, helburuak «potentzial militarra desagitea» izan behar du, alderdiaren arabera. Atzerri eta segurtasun politikan proposatutako aldaketa iazko irailaren 11n New York eta Washingtonen izandako atentatuen ondorio gisa aurkeztu zituen Fischerrek. «Ez da Joschka Fischer zerbait exijitzen dizuea. Errealitate berriak zerbait exijitzen dizue», adierazi zuen Atzerri ministroak.

Alderdiaren ezkerreko sektorearen ekimenez, berdeen «garantzitsu eta beharrekotzat» jo zuten gizarte mailan justua ez

den globalizazioaren kontrako matxinada». Horixe izan zen berdeen kide ezkertiarren bileran lortutako arrakasta bakarra, 1998ko hauteskundeen ondoren alderdia gobernau sartu eta Jugoslaviaren kontrako gerrari baiezkoa eman ziotenetik.

‘Etzi arte pentsatzen dugu’

«Gizakia gure politikaren erdian dago, bere duintasun eta askatasunarekin». Hitz horiekin hasten da berdeen programa berria. Horrela euren politika zorrotzu nahi dute ekologian, aldaketa sozialerako erreformetan eta emakumeen zein familiaren esparruetan.

Aurtengo hauteskundeetarako onartutako programak *Berdeak 2002. Etzi arte pentsatzen dugu* leloa du, eta honako puntu hauek jorratzen ditu: umeentzako zerbitzu hobek, lan merkatuentzako eta osa-

EZAUGARRI NAGUSIA

«Modernizazio ekologikoa bene-benetan hartzen duen alderdi bakarra gara», esan du Trittin Ingurumen ministroak kongresuan

sun sistemarentzako ildo nagusi zuzenak eta energia politikaren aldaketa. Ingurumenaren kontrako trafikoaren kontzeptua ere ageri da. Euren programan merkatu ekonomia sozial eta ekologikoa dela dio alderdiak. Juergen Trittin Ingurumen ministroak haxe esan zuen asteburuan: «Modernizazio ekologikoa bene-benetan hartzen duen indar politiko bakarra gara». Haren ustez, jokiera horrekin «berdeen Errepublikak aldatu dute».

Bozetarako prestatzen

Alderdiak programa berria onestea baino gehiago egin zuen asteburuko kongresuan. Aurtun Legebiltzarreko egingo diren hauteskundeetarako kanpaina ere hasi du nolabait. «Guretzat oraintxe hasi da bozetako kanpaina», adierazi zien alderdiko hautagai nagusi Fischerrek ordezkari. Irailaren 22an «%8 gehi X» lortu nahi dute berdeen, horrela sozialdemokratekin egindako koalizio gorri-berdeen segitzeko. Helburu handia da. Alderdiak iruzur egin diela uste dute berdeen hautesle askok, koalizio alderdi txikiaren estrategia dela eta. Oraingo inkestetan SPDk eta berdeen ez dute gehiengo gehiagorik lortu.

Duela 22 urte politikan ezarri zituzten aldarrikapenetatik ia ez da bat ere geratzen. Orduan alderdien kontraktotzat jotzen zuen bere burua taldeak. Legebiltzarretik kanpoko oposizioaren ohiko kezkei —bakea, emakumea, ingurumena— hobeto erantzuteko politika parlamentarioak eskaintzen zituen aurrerak baliatu nahi zituzten berdeen. Egun besteak bezalako alderdia dira. «Aldatu egin behar da fidela izaten segitzeko» esanez oinarritu du Claudia Roth alderdiko burua garapen hori. Berdeen Alemanian gizarte sistemaren kontrako alternatiba gisa jaio ziren. Bi hamarkada pasatu eta gero, beren lekua aurkitu dute, gizarte mota berberaren modernizatzaile bezala.

EB

Irailaren 11tik errepresioa salatu dute giza eskubideen erakundeek

Efe | BRUSELA-BARTZELONA

Giza Eskubideen Ligen Nazioarteko Federazioak eta Torturaren Aurkako Mundu Erakundeak atzo Europako Legebiltzarrean salatu zuten irailaren 11z geroztik areagotu egin dela giza eskubideen defendatzaileen aurkako errepresioa, terrorismoaren kontrako borrokaren aitzakiaz. Iaz haietako gutxienez 400ek errepresio «larria» jasan behar izan zuten 80 herrialdetan, erakunde beren arabera. Horregatik, Europako Batasunari eskatu zioten oinarritzko askatasunak babesteko mekanismo bat sortzeko, eta NBE Nazio Batuen Erakundearen bere ahotza entzunarazteko, «terrorismoaren aurkako borrokak» askatasun horiek urra ez ditzan.

Estatu Batuek Guantánamoren Al Kaedako presoiei emandako tratua da azkenaldiko giza eskubideen bortxaketa larriena, Torturaren Aurkako Mundu Erakundeak zuzendari Eric Sottasek adierazi zuenez. Bruselari eskatu zion Washingtoni gogor egiteko, nazioarteko legediak errespetatu ditzan. Guantánamoren moduko egoera Israelen ere gertatzen dela esan zuen Sottasek.

Bartzelonan atxilotuak apirilera epaituak

EBren joan den asteburuko goi bileran izandako liskarrak direla-eta atxilotutako lagunetatik %82 apirilaren 9rako epaituko dituzte, lehen aldiz epaiketa azkarren prozedura ezarritik, Bartzelonako epaile dekanoa Joaquim Bayo atzo jakinarazi zuenez. 90 lagun atxilotu zituzten segurtasun indarrek ostiral eta larunbata artean; horietatik 18 aske utzi zituzten.

Apiriletik aurrera sei lagun epaitzeko eguna ezarria dute auzitegiek, eta beste hiruri oraindik ez diete ezarri.

Goi bileraren egunetan guardiako epaitegien beharrik ez zen izan; Joaquim Bayo epailearen arabera, «mugak ez zirelako gainditu».